

Conocido escritor Quito Nicolaas a haci un bishita serca
Minister Plenipotenciario, Edwin Abath

Meta tabata pa splica di e actividadnan cu e escritor tin e aña aki ainda



DEN HAAG – E escritor y poeta Quito Nicolaas recientemente a bishita Minister Plenipotenciario sr. Edwin Abath na Cas di Aruba na Den Haag. Meta di e bishita aki ta pa sera conoci y informa e mandatario di e actividadnan di e autor. Tambe a intercambia di idea encuan-

to desaroyonan riba e tereno literario na Aruba y Hulanda.

Sr. Quito Nicolaas a amplia riba su bishita n'e St. Martin Book Fair di juni ultimo. Eynan el a tene un chada 'Con pa identifica e literatura Arubiano awendia', cual tabata un exito rotundo. Tambe a informa e Ministro cu

e aña aki su persona a ser invita pa scirbi e dictado p'e actividad Almeers Dictee, cual lo tuma lugar dia 15 di september. Manera otro añanan e Alcalde sr. Annemarie Jorritsma lo lesa e dictado aki. E organizacion ta den man di e Municipio di Almere, ROC Flevoland, De

Schoor y De Nieuwe Bibliotheek.

Un otro tarea importante di sr. Quito Nicolaas lo bay ta pa scirbi algo den cuadro di e celebracion di 100 aña di existencia di Koninklijke Instituut voor de Tropen (KIT) na Amsterdam. Fuera di esaki e lo participa tambe n'e proyecto SONS (Shoes Or No Shoes) di un museo na Belgica y e ta preparando p'e Festival Literario na Breda di otro aña.

Pa lora ta trata publicacion nobo, entrante augustus lo sali tres publicacion cu obranan di e autor. Den e buki *The last remaining colonies in the Caribbean* lo tin inclui su essay *Political changes: The Language of Culture and Literature*. Na

october lo sali e buki publica relaciona cu e simposio *Historische romans*, cual lo contene su chada *De schrijver nodigt de lezer uit voor een Tango*. Por ultimo lo sali un antologia publica di *Simia Literario* den cual tin inclui dos cuenta cortico di e autor.

Sr. Edwin Abath a bisa di ta contento pa tende cu tin un autor cu ta promove Aruba na Hulanda y den exterior. E mandatario a bisa cu e autor por conta cu cooperacion di Cas di Aruba. Na final di e encuentro cu a easera un combersacion amplio y amenos riba topiconan di interes mutuo, sr. Quito Nicolaas a haci entrega di su ultimo dos publicacionnan na Ministro Edwin Abath.